

PROCEEDINGS OF THE ELEVENTH SESSION OF THE SECOND MIZORAM
STATE LEGISLATIVE ASSEMBLY ON 10TH JULY, 1992.

FIRST SITTING ON FRIDAY, THE 10TH JULY, 1992.
(TIME 10:30 AM TO 1:00 PM. AND 2:00 PM TO 4:00 PM)

PRESENT

Pu P.LALBIAKA, Deputy Speaker at the Chair, 10 Ministers
and 23 Members were present.

RESOLUTION

Pu Vaivenga to move official resolution in the following
form :-

" That this House ratifies the amendment to the
Constitution of India falling within the
perview of clause (a) of the proviso to clause
(2) of articles 368 thereof, proposed to be made
by the Constitution (Seventy sixth Amendment)
Bill, 1992, as passed by the House of Parlia-
ment."

DEPUTY SPEAKER

: Lalpa chuan finna in leiling
a din a, Hriatna in Vante a
tinghet a; A thiamna in cui-
finriatte a sah a, Chhunte

chuan dai a far tir a. Ka fapa, i mit ata kiantir suh la,
Panna leh ngaihruat thiamna dik tak chu vawng tlat rawh;
I nunna atan nunna ani ang a, I nghawng atan khawngaihna
hichuan i kawngah him takin i kal anga, I ke te chu a pe-
tek lovang.

Thufingte 3:19-23

Vawlin a kan Official resolution
move turin Dy.Leader Pu Vaivenga kan koh anga.

PU ZORAMTHANGA

: Pu Deputy Speaker, khawngaih
in calling Attention Motion
kha ka pe a. Kha kha thil
pawimawh public importants a

ni a, hour hmasa ah min tihsak thei hram lawmni. Kan ram
hetiang khawp a min tibwaitu a ni a. Kan dan bung 11 na
ang kha ani a.

DEPUTY SPEAKER : Ka lo hmu a. Hei kan Session hi
nikhat Session a ni a. Kan
hriattir vek che u a. Question
leh thildang reng reng a tih
theih loh vang tih a ni a. Tin, in Motion rawn thehluh
kha kan ngaihtuah a, Mipui leh Police tang rualin, helai
buaina hi an zawn mek a. Mi engemaw zat man tawh an
ni a. Police-te pawhin theih tawp an chhuah a, an bei
zel bawk a. Mipui pawhin an tawiawm tha hle a. Tun
hunah chuan sawi lovang tiin ka lo reject a. Chuvangin
sawi loh nise thain ka hriaa.

PU TAWNLUIA : Pu Deputy Speaker, he thil hi
thil harsa a ni lova. Jail-ah
misual an tlan chhuak a. Chungte
chuan mi an that a. Vawiinah
hian Mizoram mipuite kan thlabar a ni a. A motion nei-
tuin rawn move mai selangin, sawiho tur pawh a ni lo ang
a. Minister-in a Statement a rawn siam leh mai dawn a
ni a. Minute 4/5 leka zawn theih a ni a. Engetinge
kan han zep tlat lem ang le Pu Speaker phal hram la ka
duh khawp mai.

PU ZORAMTHANGA : Pu Deputy Speaker, Public impor-
tant hei ai hi a awm chuang lova.
Kan right leh kan privilege a ni
a. Hei hi hun la vak tur pawh
a ni lova. Minister-in statement a siam ang a, a tawk
mai dawn a ni a. Reilote a zawn theih a ni dawn a.
Chuvangin phal mai a va tha em ve le maw le.

DEPUTY SPEAKER : He thil hi vawiinah chuan i sawi
lo ang u. Misual zawn thuah
hian, helaiia mawhpurto zawn
zawn bakah Police leh mipuite
kan tangrual em em a. Tunah hian hma an sawn zel tih
pawh kan hria a. Khang thil diklo kha, mipui pawhin
kan condemned hle tih pawh a chiang a. Chuvangin vawiin
chuan thil dang kan khawih lo ang a. Kan Deputy Leader
Pu Vaivenga, Official Resolution move turin i lo sawm
ang u.

PU VAIVENGA : Pu Deputy Speaker, Motion chu
MINISTER ka han move ang e. "That this
House ratified the amendment
to the Constitution of India
falling within the perview of clause (a) of the proviso
to clause (2) of articles 368 thereof, proposal to be
made by the Constitution (Seventy-sixth Amendment) Bill,
1992 as passed by the House of Parliament.

Thank you.

DEPUTY SPEAKER : Arawn move ta a, sawi zawm duh
te i nei em? a move-tu khan?

PU VAIVENGA : Pu Deputy Speaker, he motion hi
MINISTER motion duhawm tak a ni a. Mizoram
pawh 1972 atang khan U.T-ah
kan awm ve a. Kan MLA-ten Pre-
sident thlanna a vote thei lo in kan awm thin a. Kan
vote ve theih hi a tha a ni tiin theih tawpin kan lo
sawi ve thin a. Tunah hian kan ngaihtuahna tihpuitlin
a lo awm ta hi a lawmawm hlein ka hriaa. Tuna U.T.
Legislature nei ve te, hmun dang a min, office wang ber
leh lian ber India ramah President thlanna a vote nei ve
tura Parliament a pass a lo ni tawh leh, keinin kan lo
pawmpui thei dawn ta hi lawmawm ka ti a. Tichuan he
Resolution hi lungual taka kan pass pawh ka duh a, lawm-
awm ka ti hle bawk a ni.

Ka lawm e.

PU TAWNLUJA : Pu Deputy Speaker, vawlin nia
kan Resolution han sawi tur hi
Parliament-ah pawh an passed
tawh a, kan rilrem zawng tak
pawh niin ka hria.

Amaherawhchu han sawi belh ka
duh chu, a bill-ah bian Pondicherry leh Delhi U.T.- a
lang a. U.T. dangte pawh an awm nual a. A population-
ah pawh masi chuangte an ni a. Henghoin Legislative
Assembly an neih loh avanga President thlanna a repre-
sentative an nei thei lo hi chu ngaihtuah ngun hle ngai-
in ka hria a. Dadra leh Nagar Haveli-te pawh 130000
chuang an ni a. Tin, Andaman pawh 270000 chuang an ni
a, an population pawh a tam em em a. Chutiingin Daman
and Diu pawh 100000 chuang an ni a. Chutiingin Legis-
lative Assembly nei lova Council emaw an Administration
kinchang a zuk sawi thiam a har a. M.P-te chu lo nei
bawk mahse, MLA an neih loh avanga President thlanna a

Electoral College a mipui tam tak aiawh an tel lo hi chu zuk ngaihtuah uluk deuh chu thain ka hria a. Chhut nawn leh a tul viauin ka hria. Chu thu chu ka han sawi lan duh a ni a.

Keini pawh kan Deputy Leader-in a sawi angin hmanah U.T. kan nih lain M.L.A-to Electoral College-ah an tel thei lova. Tunah hian State kan lo ni ta bawk a, a lawmawm a. Amaherawhchu hata mipui tam takte Legislative Assembly an neih loh avanga President thlanna mipui tam tak vote nei thei lo erawh chu India sorkar laipui pawhin uluk zawka an thir kha chu a tul mange aw tih kha ka han sawi duh chu a ni.

Tin, Parliament House pahnhin a an pass tawh, State tinten an pass tura beisei, State tinte zatvein an pawmpui theih loh avanga hman theih loh tur hi, keini pawhin kan pass ngei ka ring a. Amaherawh-chu Session hata koh chuk chuka, pass hi eng nge a tulna, kan pass loh hian a hman theih loh dawn em ni tih erawh chu ka rilruah a awm a. Sawi tur tam tak leh tih-tur tam tak a awm kareh Session hi nikhat lek chu kan kham lo em em a. Tunah pawh Calling Attention Motion, Public important-ah pawh recernt o.k.-ah pawh awm mek, tuna min chintu mek pawh sawi thei loa kan awm erawh hi chu a paw ka ti a. Hemi chauh ni lova a dang pawh sawi theihna hun nei lova kan awm erawh chu sorkar nian hlah thawn a nei em ni, venthawn a nei em ni? tihte chu wawinah hian min ngaihtuchtir a. Hei ringawt hi chu minute 10/15-ah pawh kan tua chuan lungruah takin kan zo thei ang.

Tin, nikhat Session leh ni nge Session-ah TA/DA-ah phei chuan a inang reng a ni. Expenditure a sang chuang vak lo. Emergency lutuk, a loh theih loh a nih loh chuan chin loh atan a thea mange aw ka ti a ni. Hei hi kan House Deputy Leader-in min la hrilh se, tuna kan tih loh hian a kal thei lo em ni? India ram State engzating nge pawm tawh? Tuna kan pass chuk chuk kher hi engnge a tulna. Tuna kan tih loh chuan a hman theih loh dawn em ni? he thil hi a pumpelh theih loh em ni? Expenditure involve a sang si a. Eng atinge hemi chauh sawi tura kan inruahman, tih kha rawn sawi fiehse ka lawm khawp ang.

Ka lawm e.

PU ZALAWMA :
MINISTER

Pu Deputy Speaker, he Constitu-
tion Amendment hi, keini U.T.
kan nih lai pawha kan lo sawi
thin a ni a. A lawmawm hlein ka

hria a. 1991 khan Delhi lakah an Legislature Adminis-
tration-a hi siam that nise tih rawtna a awm a. Ti-
chuan India sorkar-in Bana Krishnan Committee an
ngaihtuah tir a. Chu mi report-ah chuan hemi National

Capital-ah hian U.t.Legislative Assembly neiin Council of Minister pawh neih nise tiin an rawt a. Tichuan dan siam a ni tawh a. Helai thila thil inhmeh lo tak awm chu U.t.Legislature-a M.L.A-ten M.P.Rajya Sabha Member tur kan thlang a, kan thlan chhuah M.P-ten vote an nei thei a. President thlannaah hian Rajya Sabha M.P thlangtu ten President thlana vote kan nei thei lo erawh hi chu a tha love tiin Constitution Provision an han hmu-chhuak ta a. Chuvang chuan 76the Amendment, India Constitution chu a rawn irhchhuak ta a.

Tichuan Pondicherry U.T.-ah khuan Legislative Assembly an nei a. An Culture khu Trench Culture a ni a. An Culture hum nan Legislative Assembly duh lo engemaw zat an awm a. 1954-a Pu Nhrua te ho nen an Culture reh lohna tura agreement an siam takah khan U.T.Legislative Assembly an nei ta a.Chuvang chuan nichina ka sawi tawh U.T.Mla-ten Rajya Sabha Member (MP) kan thlang a, M.P. thlangtu ten President thlanna vote kan neih loh laia kan thlan M.P. (Rajya Sabha Member)-ten President thlanna vote an nei thei si hi a fel lo e tiin tunah hian Bala Krishnan Committee recommendation zul zuiin, Delhi U.T. leh Pondicherry U.T. Legislative Assembly Member-te hian President thlannaah vote nei rawhse tih a ni a. Lakshadweep leh Andaman chuan Rajya Sabha M.P. an nei ve lova. Lok Sabha chauh an nei a. La tih hrih loh nise an tih pawh hi a awm viau pawhin ka hriatpui a. Chu chu hemi thua hian ka han sawi duh a. Hei hi tunhma pawha lo tih tawh awm tak a ni a. Tuna hetiang kan han sawiho ta hi lung-ruah taka kan pass-pui ngei pawh ka duh a ka han sawi a ni.

Ka lawm e.

PU R.ROMAWIA : Pu Deputy Speaker, tlem han sawi ve ka duh a. Parliament-in an lo sawipui ve a ni a, a subject hrim hrimah hian tha ka tiin lawmawm ka ti a. Ka hmaa rawn sawi tak ang khanin mipui aiawh thlanten vote neih loh kha a fel lo viau va.

Amaherawhchu thil pakhat ka ril-ru kap tlat a awm a. Hetia Constitution ratify turin Mizoram Legislative Assembly hi ka tel ve a tul em ni aw, senso tam tak, nikhat lek Session hmanhmawh taka kon hi a tul em aw ka ti a. Mizoram hi 1972 atangin Legislative Assembly kan nei a. M.P. pahnih kan nei a. India ram hmar chhak State dang zawng zawng M.P-te hi Central-ah Minister an ni tawh a. Mizoram State hi ngaihthahin kan awm a chu ngaihthah State-in hetiang thu lo khel hi a zahthlak ka ti a, ractify ve tur niin ka in hre lo. Central min hmuh danin kan te lutuk.

Chuvang chuan kan rama Remna Thuthlung reng reng min tih hlawhtlin sak lo. Delhi-ah

a tawp zel. Border Trade nise min tihhlawhtlin sak lo, pawisa nise min pe hek lo. Kan ramah Tuikhuah lian kan tih hi min pe hek lo. Mizoram State hi Constitution ratify turin kan fit loin ka hria. Engatinge aw heti em eme ngaihthaha kan awm. Delhi mitah kan tet em em. 1972 hmu lamah chuan Lok Sabha leh Rajya Sabha-ah M.P. kan nei reng. Kum 20 a kal ta a, Central-ah Minister vawi khatte pawh kan la chang lo. Chuvang chuan he kan House hrim hrim pawh hi ngaihthahin kan awm. Tin, kan House-ah lungruah takin Mizo tawng 8th Schedule-ah a tel ve tur a ni kan ti. Tunah Parliament-ah ngaihtuah msk a ni. Mizo tawng a lang ve lo. Manipur te eng engemaw ni a lang nuel. Chuvangin kan House hi ngaihtuepin a awm a ni. Chutihlala he bill tha tak hling anga min chhuntu tihfel kan chak em em mah nisela. Hetilala lo ratify puitu nih hi a hrehawm ka ti khawp mai. Engnge ni kan narsatna kan eiawh zuk tih tldakte hi an iai ngang em ni. Hetilala sorkarna lo kengtu nih pawh hi an iai ngang em ni. He House e awm hote pawh min iai ngang em ni. Min iai ngang a nih phei chuan tuna kan ngaihtuah mekte pawh hi ngaihtuah lo ila. Hetiangin, Mizoram kan rawn thiante hi ngaihtuah a nih hma chuan kan pawl-mawh ve aah min mamawh ve neah rawn inrewlh taci kan ni love tih thlang hianin kan House hian a ti mai thei lo em ni tih chu ka ngaihtuahnaah a awm a.

A principle-ah hei hi tha ti hle mah ila a ngaihtuah tu tur kan ni em? Lawm tak leh lung-ruah taka pass-tu tur kan ni em? He House hi chutiang dinamunon chuan e ding em? tih kha ka han sawi ve duh a ni e.

Ka lawm e.

PU H.RAMNAWI : Pu Deputy Speaker, Hei hi vawlin niah thil thar ang hluidin kan la ta a. Official Resolution pangngai a ni love. Constitu- tion Amendment a ni a. India hi 1947-ah a Independent a, 1950-ah Republic-in kan awm a. Kum 40 kan inenkawl danah hian India ram State hrang hrang a take Democracy changtute kan awm a. Mizoram pawh 1972-1987 thlang U.T.- in kan awm a. Khang chhung zawng zawng khan M.P. Rajya Sabha chu kan M.L.A-ten an thlang ve thei mai. State dang zawng zawng President thlanna an tel lain U.T. zawng zawng kan tel ve thei love. Rajya Sabha M.P. ti thlang thei si, Rajya Sabha M.P. chu President thlanah an tel a; Rajya Sabha MP erawh chu President thlannaah kan tel ve thei lo a. Chu chu kan thlan chhuah Rajya Sabha MP talin a thlang thei a a ziaawm khaw-p mai. Tuna Anda- man dinhaunte ka ngaihtuaha India ram Democracy hi mi- puin kan la chhawr kim niin ka hria. Andaman te khu U.T. ni ve si MLA pawh nei lo. Rajya Sabha MP pawh thlang thei lo. India sorkar kum 42 chuang amah a ding a ro a inrel theih tawh lain, sorkarin khutianga a dah reng mai khu India ram Democracy hi a takin kan la enjoy kim lo a niin ka hria.

Vawiinah hian India Constitution Articles 54(a) leh (b) ah khan U.T. chu an chuang pha ve lo. An chuan ve theihna turin kan la sawi laih laih chauh a ni a. Engvangin nge India-ah Independent atangin Congress hian ro an rel char char a, vawi hnih rei lote te laksek tih mai loh chu. Kum 40 chuang a kal tawh hnuah hetiangte hi kan la tihkim loh aw!! Engatinge India ram hmun hrang hrang, U.T. emaw State emaw ten Democracy a taka kan la hman kim loh aw!! Engatinge vawiinah U.T. MLA-te President thlanna atan an buaipui, keini pawhin kan la buaipui? A chhan engnge tih hi kan ngaihtuah tulin ka hria.

Vawiin niah India ram zau takah Central-ah khuan Minority Government kan nei a, absolute majority chang lo sorkar kan nei a. Chutah India hmar lam State tam zawkah chuan Opposition sorkar kan nei a. Tahchuan India President thlan a lo tul ta si a. India President hi Central Congress sorkar-in a duh zawng thlantlin thein loh hlauhna a nei ta a. Opposition-te tang tlanga hma an lak theih chuan Ruling kha kan tla thei ta a ni. Chutah chuan vawiina kan thiltih hi vote zawna campaign ang a lo ni ta a ni. Tuna UT-a awm, President thlanna vote nei thei lote hi tute nge an nih, tihah hian a chiang em em ta a ni. U.T. MLA vote nei thei lote khan he dan angah hi chuan vote an nei thei ang a, an vote tur kha a chiang em em a ni. Chu chu he Amendment lo chhuahna bul chu a ni ta daih mai a ni. Democracy hi a takin i hmang kim ang tihna a ni lo. India ramah kum 40 ro an rel tawh, engatinge vawiin niah an harh thar thut, India ramah absolute majority ni lova, minority Government a nih avanga vawiina an harh thar thut hi Democracy a piantharna a ni lo. President thlan-na campaign-na a ni chiah zawk a ni. Chu chu ka ngaihdan a ni.

Chuvang chuan he Constitution Amendment hi a tuma hi Democracy a taka kan hman tlan theihna tur ni sela a duhawm khawp mai. Tuna Constitution Amendment lo chhuahna bul chu India President thlan-naah kan tling lo palh ang e tiin kan bei chuk chu a ni ber a ni. Keini pawh Session pawh nei tha lovin nikhat chauh atan Session hi kan nei chuk chuk a ni.

Pu Deputy Speaker, nichina Motion pawimawh zet awm pawh ti lovin hei chauh hi kan ti a. Fur khawohhe hnuah, nizanah pawh ruah a sur a lei min a tam a kan buai em em a ni a. Democracy India ram State tinten a takin i hmang kim ang aw tihna thinlung ni lova. President thlanna campaign a ni chu pawh ka ti khawp mai a. Tunah hian Andaman te pawh sawn Counsellor tih lam ni lovin, MLA-te pawh nei mai sela. Rajya Sabha MP pawh thlang ve mai sela. President thlanah pawh tel ve mai sela. Tichuan India ram Democracy a takin enjoy sela, tichuan a takin Democracy kan enjoy kim dawn a ni. Vawiin niah hian India ram State-ah rahbeh pahnih kan awm a. Pakhat chu Mizoram a ni. India hmar chhak State zawng zawng Central-a Minister an chan vek tawh lain Mizoram chiahin kan la

ni lo a ni. Hman nia C.M-ho a intih tauh thak thak kha, Opposition lam atang pawhin tih tauhpui che u kan chak a sin, mahse a mawi chiah si lova. Chuvangin tun-ah hian rahbehin kan awm a ni. Midang zawng zawng a zawna Minister an nih lain keinih pawh a tling leh tlak pawh kan nei ve tho.

Tin, India Serkar leh MNF ten accord siam a lo nih hnuah pawh India sawrkarin a signed in engkim thiltih fel vek a ni tawh, tih puitlin lovin, khangte mai mai zawng in la ti emaw ni, sawrkar thiltih chiah ka ngai lo khawp a. Vawiin niah hian heng thil zawng zawngte hi avang leh chhan chu rahbeh kan nih vang a ni. Andaman-te hi hla mahsela India khua leh tui tho a ni. Vawiin ni thlenga Official enkawlna hnuah dah rengte saw a Democracy em? tih kha kan ngaihtuah a ngai a ni, a Democracy lo reng reng.

Mipui ten an aiawh thlan ang chia a tak ram pawh pha silova helai vela V/C inthlan pawh tluk lova kan zuk indaha, India ram Congress sawrkar hi a har chhuah a, kan Ministry pawh hi a har chhuah a, Constitution hi siam belh leh a la thain ka hria.

Vawiin nia mi mai ni lo hian-in kan tihbelh leh thinte pawh hi tuntum inthlanna atan a vote an neih theihna tur leh Rajya Sabha an neih theih vena tur atana tih kha a har lo. Vawiin ni thlengin kan la tilui talh a kha kha. India ram khua leh tui theuh theuhah hian Pu Speaker hrekbeh bik leh thlei bik State leh U.T. kan la awm talh hi chu pawh kati tak tak a. State-te kan nei a, a tha mi leh tha lo mi kan awm tihna a ni a. Chutiang chuan MLA nei lo mi leh nei mi kan awm a, U.T. tha mi leh tha lo mi kan ti dawn nge ni a, U.T. Democracy leh Un-Democracy kan ti dawn nge maw ni. Chutiang ang chuan thil a lo kal a. Chuvang chuan U.T. ni thote chu U.T. dangina Rajya Sabha an thlangte te a, inthlannah pawh kan tel ve theih ang khanin MLA kan neihtir a, India sawrkarin MLA a neihtir a, Rajya Sabha pawh a thlang ve thei a. India President pawh thlang ve thei dinhmuna kan dintir a tha em emin ka hria. Chulai takah chuan nichina kan Forest Minister zahawm tak khanin a bik takin Andaman angte kha chu U.T. nimah sela Rajya Sabha nei lo an nih avangin thlang ve thei an ni lo a. Khung lo mahse pawh a tih vak lohte kha a kan sawi lang a. Kei pawh ke ti khawp mai e, he thilab hianin, he bill discussion-ah hian State hrang hrang ngaih den leh Parliament ngaihden pawh a lan kha. Parliament-ah pawh Rajya Sabha a nih pawhin Lok Sabha a nih pawhin an sawi tel ve reng a nih kha. Delhi te chu U.T. an nih a taka an rawn lantir hunah chuan in an nei ve mai ang a a buaithlak lo. Amaherawhchu India rama State nipa lo deuh si U.T. rau rauah U.T. MLA nei chi leh nei lo chi te kan nei hi chu India Consti-tution atanga mipuite Democracy a taka an enjoy theihna tur atan kan siam that vat a ngaiin ka hria.

Chutah chuan a Councillor zawng an kaltir lui talh a nih pawhin Article 154(a) (b) (c) ah emaw rawn dah chho ta sela. Chutiang chuan

- 9 -

India ram State leh U.T.-te hianin a takin Democracy-te hi enjoy tak tak thei ila a tha ka ti a. Tin, kan House pawh hian tha a tih ka ring a. Tin, a mipuite a bik takin chutia MLA nei thei lo area atang te pawh hian an duh ve tak tak a an beisei ve tak tak ang ih kha kan ring ngam tur a ni.

Chutah chuan kan Central Congress (I) sawrkar pawh hi an harh chhuaha kan Ministry-te pawh hian Central atangin hma an sawn vat vat ka duhin ka ngen tak tak a. Chutan chuan Pu-Deputy Speaker, he kan Bill hi keimahni awmchhuak a ni lova, hei a chiang reng a, Central atanga Parliament-a House pahnihah pawh pass ve ve tawl a nih tawh hnuin India dan angin India State-te ngaihdahte pawh a pawmawhna laiah he Mizoram State hianin U.T. ni ve tawh lo mah ila, he bill helai hmuna kan sawih ve tur atana hetiang hun ruat hi the ka ti a. Mahni tanghma chauh nilo, kan sawi Andaman thliarkar mipuite alawhina an sawi theih lohte pawh he House-ah hian Government of India thlang thei tura sawi theihna hun kan neih phah avang hian lawmawm ka tiin tha ke ti a. Amaherawhchu Democracy humhimna leh Democracy a taka kan enjoy kim theihna tur rilru lo piang ohhuak ni lova India President thlanna Central minority Ministry nih vanga Congress sawrkarna deuh deuh, hetia an rawn nawr chhohva kan ti chuk chuk hi chu a democratic tawh lovin ka hria a, President Election Campaign na hmanrua atana hetiangna kan in ruata hi chu Democracy zahawmna hi kan ti uihawm mai mai niin ka hria a. A kal-phung dik takin President inthlan zawhah hianin tichhe ila chu ngaihda a la awmin ka ring a.

Chutiang nilova, tunhnaia hman hmawh chuk chuka kan ti hi chu ngaihtuahawm ka tiin India ram Democracy pawh hi kan ti zahawm lo deuh niin ka hria. Vawin niah hian Aizawl khawpui ngeiah buaina nichina an sawi angte kha, kha thil kha pawt tih deuh mai ka neih chu kan Minister lamten engngatinge Statement an rawn tih mai lohva helai kan sawi avanga thil hunter tur a awm a nih chuan khatiang kha chu sawi tlang law law mai sela chumi a nih loh chuan Common Front-ah kan dinga, kha kan Common problem-a kha engngatinge khatia kan decline tak mai, ngaih pawh a ti the lo rum rum dawnin ka hria.

Kan rilru a in ang vek, kan thil tum a in ang vek. Khatiang anga ngaih ringawt kha chu mipui pawh hrilhfiyah an ngai. Chutihlaia khatiang ange ngawih chuh ringawt kha chu a tha ber em tih kha kei ka rilruin ka vei tak tak a, mipui pawh an buai a ni. Tin, midang khatiangte an lo chhuak ve dawn a chung kan hrilhfiyahna leh dawn ve na tur hmanrua atan pawh a tha a ni. Khatiangna kan decline mai erawh kha chu pawt ka ti a. Khatiang decline lova kal tur a ka ngaih teh vei nen, kan sawrkarin an lo zep tlat an hnunga ding reng si an rilru ang pu tho si kan lo zep tlat maite hi midawizep sawrkar kan lo nei a ni tih kha kan sawi duh a ni. Ka lawm e.

DEPUTY SPEAKER : Awle, kan Opposition Leader ko ila. Chumi hnu chuan tawp mai ila a thain ka ring. Sawi tur-in ken ko ang e. Pu Zoramthanga.

PU ZORAMTHANGA : Pu Deputy Speaker ka lawm e. A hmasain keimahni Secretariat lam hian rawn tise tih duh ka neih chu vawinah hian Reference chu a lo chhuak a, kan Constitution Amendment-ah hianin, hei pathumnaah khan in article in 39 A.A. in the Constitution a ti a. Tukin thlenga kan Office-in min rawn present 1992 tih hemi a thar berah pawh a la awm lo a ni a. Hei 239(a) kan han zawng a. Hetah pawh hian a la awm lova hemi a nih avang hian kan Constitution Amendment a pu thar ber pawh a chuang hman lo khawp engemaw zat awma hi chu min lakkhawm sakin engemaw tiin a print in emaw a nih loh leh Cyclose Style-in emaw member-te pawh hi min sem se chuan thain ka hria a. Amaherawhchu hetah a hnungah khan 239(a)-ah chuan tiang hi a ni a ti a, tawite a rawn ziak a, Annexure-ah khan mahse khami nena reference thil han sawi turin a tawi sia hriet thiam pawh a har khawp mai a. Chu chu thil tul tak niin ka hria a. A hmasain ken sawi duh e ni. Chuti lo chuan hei kan bangbo tlat mai a, kan Constitution thar ber pawh a awm lo a ni a. Kan awma a kil si a, kan sawi ve vak dawn a, a refer tur pawh kan hmu zo lo reng reng a, a chang thlan lai ber a kha kan bo tlat mai a. Helai hi rawn en thain ka hria.

Tin, chu lo lehah chuan kan sawi duh chu hei ken thil sawiho tur hi a principle-ah chuan buaithlakna ang feng tak keimahah chuan awmin ka hria. Pakhatah chuan Delhi U.T. leh Pondicherry a ni MLA ten President thlannaah hian vote nei ve rawh se tih a ni a, a tha hi kan ti em em a, kan ti lutuk a, helaihi chuan han hnial chi niin kan hre lova. Amaherawhchu hei hian a fankim loh zawk, hei bak hi a ngai a ni tih hi sawi tur tam zawkin ka hria a. Tichuan hemi thu ngawt sawi tur phei chuan tam sawi tur pawh a awm lo. Nikhat chu a tawk em em mai a, nikhat hei vawin chawhmain kan zo dawn hmelin a lang a. Chumi atan chuan hei Session kan han ko te chuk chuk a. Kan Session koh a hi nikhat vawin atan hei kan Session koh hi mipuite pawise public money hi Rs.40,000/- or Rs.50,000/- emaw chu kan sengral leh dawn a nih avangin chumi 40,000 emaw 50,000 emaw chu senral leh tur chu. Khami a nih rau rau si chuan engah nge nikhat chauh nilo ni 3 ni 4 ni 5 emaw pawh ti ila, khami a belhohhahna turg kha chu kan Session Allowance emaw a lo ni a, ni 5 dang kan tih chuan pakhatah Rs.500/- emaw a lo belh mai a ni a, 40-ah chuan tam tak e ni a.

Pu Deputy Speaker, hun a tam em mai a, chuvangin khami kha a dik thoin ka hria. Ram tan important a ni a. Hemi sawi tur hian nikhat kan tih

chuan a aia pawimawh kan Session hmasaa kan dah hetah Rules leh thil dang hrang hrang municiple hrang hrangte leh thil dangte pawh tam tak kan nei a. Engahnge dan Mizoram a kan mamawh em em? He dan siam tura mipui ten full time-a min thlan hi, engatinge a serh thiana engatinge Rs.40,000/- or Rs. 50,000/- seng tho tho si a engatinge nikhat chhen loh aia buai nuacia kan tih thin. Engahnge nithum ni 5 kan tih loh Expenditure Additional kha 2000 thum bak a ni lo. Chuvangin dan kan insiam tur kan mamawh si a, tuna public important calling attention motion minute 5 or 7 chumi pawh chu hun a awm lo kan ti a, ren em em a kan hmanhmawhna hi engnge Written important pawh a ni lo tuna thleng mek a ni. Recent pawh a ni lo, chutikhowpa pawimawh minute 10 pawh a zawh tur pawh hman lo khawp a tuna kob si, a sawi tur zuk ena tlem bawk si, duli, 60 zawng tura Rs.10/- sen ang a ni, a inchen lo em em mai a ni. Chuvangin heng hi chu a dik lo ka ti a. Kan ko rau rau a nih chuan a senso engmah tih tar ve chuan si loh dan sawi tur tam lutuk, rel tur tam lutuk si hi, ni 4 ni 5 kar khat hu a ni a, Chuti a nih loh chuan hunserh then nana han tih hi a ni ringawt mai zawng a huaisen takin Question hi chu mipui aiawh kan nihna engin face ngam ila a thain ka hria a.

Fin, hemi kan Subject chungchang thuah chuan Delhi-a mi leh Pondicherry a mi MLA ten vote rawn nei ve tawhse tih chu a tha a, a tha lutuk a ni. Amaherawhchu hemi bak hi sawi ka duh chu President thlan-na tur kan Constitution Article 55-na Sub No.2-na A,B,C-nate khami kal chhukah khan State tina MLA-te M.P-ten vote an neih theih zat tur a Quata timai ila, a semrual dah tur an rawn siama hemi hi kei chu tha ka ti lova. Mizoram kan aiawh kan M.P-te leh kan sawrkar pawh hian Constitution Amendment kan te rau rau a nih chuan hei pawh hi amend ngai ka ti zawk a ni. Engvang nge?. State a dah tlakte Central sawrkarin rawnte kha a ngai a, State ah dah a ngai a ni. Chu chuan Governor te, C.M te, MLA, Minister te nei turin a dah a ni. Amaherawhchu State mipui an tlem chuan MLA nei tlem turin ruahmanna engkim an siam a. Chumi eng chuan keinin State-a MLA 40 kan neih lain a thenah chuan 60 a thenin 100 a thenin 200 chuang khatiang khan tam tak pawh kan nei a ni. Mi kan in tam hleih avangin. Chumi a representation-a chu meaning nei leh a in proportion deuhva MLA-te pawh kal tir a nih tawh hnua, chuta MLA tlem tawhsa an vote neih pawh la tlem leh chhawngate tunah hian awm ka ti lo a ni.

Vawlinah hian MLA pakhatin President thlanah vote 20 theuh neih tur nita ila India ram pumpuiah Mizoram chu MLA 40 nei kan nih avangin 40 kha sawmnhih a puntirin 200 smaw chauh a lo ni a, State dang ahte a sang bi te a sang bi te pawh nei thei tur tho tho an ni. Mipui kan in tam hleih nei khan vote an nei tam tho tho dawn a ni. MLA an ngah miau avangin. Chutah chu nittalovin a MLA pawh a thenin 100/200 chuang an neih lain MLA 40 vel lek nei kan ni a. Chumite vote kaih pawh chu pariat vel te kan han nei leh ta nghol a ni a. Chuvangin nangni pawh hi vote nei lo aiah a hming in lo nei ve ta che u min ti ang chauh a ni a, a representationa kha a proportion-a kha a dik lo a ni.

Tin, M.P. pawh chutiang ang bawkin M.P. nei thei tura a dah rau raute M.P. zawng zawng chuan an vote neih theih a inzatz tur a ni. U.T. nihlai a 80,90 dawn an neih lain keiniin pakhat kan nei ve ve a ni, a, a tam alawm kan ti, a dik a ni. M.P. ina vote 100 an nei a nih chuan Mizoram M.P. pakhat Lok Sabha kan nei a nih chuan vote 1000 tihna a ni, an nin 90 an neih chuan 9000 an nei ta reng reng mai a ni. Chuti khawp chuan a la intam bleih tho tho a ni. Keinin 100 kan neih lain anni 9000 an nei, State theuh theuhah. Amaherawhchu chutiang pawh ni lovin kan M.P. vote neih pakhat pawh a in ang lova, MLA pakhat vote neih pawh in ang lo Democracy India Constitution kan hmang a ni. Chuvangin hei hi chu a awm ka ti lo a ni. Chuvangin hetah hian a proportion-ah pawh MLA leh M.P. kan tlem tawh hnu hi chuan MLA theuh theuh M.P. theuh theuh hi chu kan vote neih pawh a inzatz tur a ni. Chuvangin hetah hian Constitution Amendment kan nei rau rau a nih chuan heta kan M.P. te leh kan sawrkar in a rawtna kan thlen na tur leh keini pawhin a rawtna kan thelna turah hian in hemi representation-a hi tuna ka sawi ang chuan M.P. leh M.L.A. chuan kan vote neih theuha in zat tur a ni tih amendment hi hemi rual hian telh law law thain ka hria. Chuvangin heta kan M.L.A-te vote pawh inzatz lo lutuka an kal ta kha a dik lova. Hemi amendment-a hi kan neih ngei ngei ngaiin ka hria a ni. Chuvangin helai ah hian lehlamah chuan a lawmawm em em a. Hemi Pondicherry te leh Delhi tena MLA-te vote an neih ve theihna tur hi a lawmawm rualin lehlamah chuan nuihzat thlak tak a, keinin kan vote Mizoram mipui MLA-te ve lem siina vote riat te a then chuan a aia tam zawk deuh, chutianga kan la inthlaw zut hi India ram Constitution Practice-ah hian a mawi lovin ka hria. Chuvangin hei hi chu lehlamah chuan lungchhiat thlak tak niin ka hria, a hmangin State kan vuah ve a che u, a hmangin MLA kan vuah ve a che u. Amaherawhchu State lem lem MLA lem lem M.P. lem lem in ni e tih theihna ang tluk niin ka hria. Chuvangin hei hi chu equal representation in a hming a inthlak a kan ngaih tawh General theuh theuh Captain theuh theuh MLA theuh theuh nih chinah hi chuan mipui ai kan awmah hei hi chu a kal tur niin ka hria a. Hemi representation-a hi amendment siam turin kan M.P. kan aiahte kan sawrkar lamte leh midang reng reng pawhin hei hi chu keimahni House pawhin hma kan lak thain ka hria a ni. Chuvangin tunah pawh hian chu mi thuah chuan sawi tur pawh a tam lo.

Amaherawhchu ka sawi ang khan tuna ka sawi duh pawimawh chu hetiana Session mipui pawisa senga kan ko a nih chuan nikhat lek tih thina hi tun lawka zu khapna chungchang thuahte pawh Kohran lamte pawhin Sawrkarahnte pawh ngenna an nei a, chungte pawh an ti a. Khang zawng zawng sawi cheihna tur atanteah khan kan hlau zota emaw tunah thil thlengte hi kan hlau zo ta em ni. Engatinge nikhat lek kan koh tih hi chu tuna minute 10 sawi tura pawh kha kan ngam ta lova. Chuvangin hei hi zawng a nilo lutuk a, Session kan ko leh a nih pawhin a ni lo berah karkhat tal chu Session

nei turin hna kan ngah si a, rawn ko thin se thain ka hria a. Chuvangin hemi a that rual rual hian chung point Amendment a nih rau rau chuan a bak pawh hi he sawrkar leh he kan ram hian hma la tura hma kan chhawp Constitution Amendment-ah hian tulin ka hria a. Chu chu kan sawi tel a ni Pu Deputy Speaker, ka lawm e.

PU VAIVENGA :
MINISTER

Pu Deputy Speaker, ka Resolution hi nichinah khan ka chhian tawh a, kan han sawi a sawi tur an tam vak lo tura ka ngaih lain rawtna duhawm tak takte a lo lut thei a, a lawmawm hlein ka hria a. Member thenkhatin a an sawi thenkhatte kha han sawifiah ila India danpui hi siam danglam a tha lawm ni tia ngaihndan awmte kha chu, hetilaia kan tihphak loh thilah dah ta ila. Tin, M.P-te kan nei a. Chung kan M.P-te chuan Parliament-ahte pawh an la rawt turin la finchhuah tlang ta ila.

Tin, vawin nia kan inkhawmna chhan bera hi nichinah khan kan Member-ten thildang hlahv vang em ni. Engatinge ni khat chauh tih angte, tin, sum leh pai an ngaihtuah, sum sen tam an hlahv em ni? tih leh thil dang sawikai an hlahv em ni? te an ti a. Thil dang sawikai hi kan hlahv lova, Assembly kohnaa an rawn sawi ang khan India Danpui Article tlemte keinin kan lo factify tur a awm a. Chumi ti tura koh kan ni a. President thlan dawn a lo nih bawt tawh si avangin nikhat chauh hi inkhawm rise tia koh kan ni. Hemi thuah hian thil dang han sawina emaw hlahv zawng tur emaw engmah a awm lova Member-te sawi ang khan, Session kan neih hunah chuan zau zawkin kan ram tana tha leh tul nia kan hriat chu sawina hun kan la nei leh ang.

Tin, Member-ten an sawi State engzah in nge passed tawh an tih chu ka hre hauh lo mai. Dan a farkimna tur atan leh State kan nih anga kan tih tur a ni a, nikhat bak hi chu ngai lo turah kan ruat a ni.

Tin, Member-ten an sawi Jail tang thuah hian, hei tunlaia kan chanchinbuahte leh mipui te pawhin kan rilrua kan ngaihven ber pakhat a ni a. Kan ngaihndan a thuhmun vek tho niawmin ka hria a. Helaia sawihote pawh hi a chak'viau a. Amaherawhchu hemi thuah hi chuan Police-ten an um a hma an la sawn chho deuh zel hian tuna lo sawi mai chu a la hun lo deuh lawm ni. Chuvangin keini pawhin kan han ngaihtuahnahte pawh sawite pawh a tha em kan ti ve bawt a sin. In ngaihndan leh kan ngaihndan a in angin ka hria. Tichuan hei kan Resolution-a hi nichinah khan kan rawn chhian tawh a. Tin, hei hi Parliament-ah pawh an ngaihtuah laia ni a, hei a Statement and Objection and reason-ah thil a Chiang hlein ka hria a. Sawi theuh pawh ngai lovin ka hria a. Tunah House-ah hian khawngaih takin kan pass dial theih ka beisein ka rawn ngen a ni e.

PU P.LALBIAKA :
DEPUTY SPEAKER

Kan Deputy Leader-in a sawi tak ang khan State danga a passed zat engzat State. nge pass tawh tih kha helai atang chuan kan

hre thei mai lo a ni.

Awle in pass dawn hnai teh ang u. Kan official Resolution kha kan Deputy Leader-in a rawn moved tawh a, member engemaw zat in sawi a, hei hi a ni a. 'That the house ratifies the amendment to the Constitution of India falling within purview of clause of the proviso to clause 2 of Article 368 thereof propose to be made by the Constitution (Seventy six Amendment) Bill, 1992 as passed by the houses of Parliament' tih a ni a. Hei hi pass remti chuanin "Remti e" ti teh ang. Remti lo kan awm em? Awm lo maw ?.

. 'That this house ratifies the Amendment to the Constitution of India falling within the purview of clause (a) of proviso to clause 2 of Article 368 thereof propose to be made by the Constitution (Seventy Six Amendment) Bill, 1992 as passed by the Houses of Parliament' chu lungrual taka he House hian passed a ni e.

Awle, kan Member zahawm tak tak ten induhthawh hle a, a lawmawm a wawin ni nikhat chauh mai Session an ko hi kan kham khawp lo hle niin a lang a. Amaherawhchu hei tluang takin thil kan ti thei a. Wawin niah erawh chuan kan C.M. zahawm tak kan House Leader Pu Lal Thanhawla te, tin, kan Education Minister Pu Dr.H.Thansanga te, Pu Zoramsangliana, kan Member zahawm tak an rawn tel thei love. Tin, kan Speaker, damlo pawh damna changin a rawn hawng thlang tep tawh niin kan hria a. Helai a rawngbawling pangngai rawn chhonzawm leh turin kan duh sak hle theubin ka ring a, a rawn thlen chhoh mai pawh kan beissia.

Awle, hei tun tum kan Session koh chu tiam chin awm lovin kan chawl a ni e.

The House was adjourned sine die
at 11:20 A.M.

H.L.CHUNGA,
Secretary.

MINISTERS' PORTFOLIOS AS ON 22.11.1991

<u>Sl.No.</u>	<u>Name</u>	<u>Name of Department</u>
1.	Pu Lal Thanhawla, Chief Minister	1. Home Department 2. Political & Cabinet Deptt. 3. Vigilance Deptt. 4. Public Works Deptt. 5. Rural Development Deptt. 6. DP & AR. 7. General Administration Deptt. 8. Secretariat Administration Deptt. (Any other Department which is not allocated to any Minister)
2.	Pu J.Lalsangzuala Minister.	1. Finance Department. 2. Planning & Programme Implementation Department. 3. Excise & Taxation 4. Trade & Commerce Deptt. 5. Industries Deptt.
3.	Pu C.L.Ruala Minister	1. Food & Civil Supplies Deptt. 2. Power & Electricity Deptt.
4.	Dr.H.Thansanga Minister.	1. Education & Human Resources 2. Law, Judicial & Parliamentary Affairs Department. 3. District Council Affairs Deptt
5.	Pu Vaivenga Minister	1. Health & Family Welfare Deptt. 2. Relief & Rehabilitation Deptt. 3. Information & Public Relation
6.	Pu Zalawma Minister	1. Land, Revenue & Settlement 2. Environment & Forest Deptt.
7.	Pu Liansuama Minister of State	1. Animal Husbandry & Veterinary Deptt. (Independent charge). He shall assist the Chief Minister in Rural Development, Home and Personnel & Administrative Reforms Department.
8.	Pu Lalhuthanga Minister of State	1. Local Administration Deptt. (Independent charge) He shall assist the Chief Minister in Public Works Department.
9.	Pu Nirupam Chakma Minister of State (Independent charge)	1. Co-operation Deptt. 2. Printing & Stationery Deptt. 3. Aviation Department.
10.	Pu P.Siamliana Minister of State (Independent charge)	1. Social Welfare Deptt. 2. Soil Conservation Deptt.
11.	Pu P.C.Bawitluanga Minister of State (Independent charge)	1. Transport Department 2. Sericulture Department 3. Labour & Employment Deptt.
12.	Pu Saikapthianga Minister of State (Independent charge)	1. Agriculture Department 2. Sports & Youth Welfare Deptt.
13.	Pu S.Hiato Minister of State	1. Public Health Engineering Deptt. 2. Tourism Department.

LIST OF MEMBERS OF SECOND MIZORAM STATE LEGISLATIVE
ASSEMBLY

Sl. No.	Name of Constituency	Name of Members	Party Affiliation
1.	Tuipang	Pu B. Tevo	Congress
2.	Saiha	Pu S. Hiato	Congress
3.	Sangau	Pu H. Rammawi	MNF
4.	Lawngtlai	Pu F. Manghnuna	Congress
5.	Chawngte	Pu Nirupam Chakma	Congress
6.	Tlabung	Pu Hari Kristo Chakma	Congress
7.	Buarpoi	Pu P. Lalbiaka	Congress
8.	Lunglei South	Pu F. Sapa	Congress
9.	Lunglei North	Pu Dr. R. Lalthangliana	MNF
10.	Tawipui	Pu P. Siamliana	MNF 'D'
11.	Vanva	Pu R. Romawia	MNF
12.	Hnahthial	Pu Vanlalnghaka	Congress
13.	N. Vanlaiphai	Pu C. L. Ruala	Congress
14.	Khawbung	Pu K. Vanlalauva	MNF
15.	Champhai	Pu Zoramthanga	MNF
16.	Khawhai	Pu J. H. Rothuama	MNF
17.	Saitual	Pu Andrew Lalherliana	MNF 'D'
18.	Khawzawl	Pu Tawnluia	MNF
19.	Ngopa	Pu Sosiama Pachuau	P. C.
20.	Suangpuilawn	Pu Vanlalngena	Congress
21.	Ratu	Pu Lalrinchhana	MNF
22.	Kawnpui	Pu Vaivenga	Congress
23.	Kolasib	Pu Aichhinga	MNF
24.	Bilkhawthlir	Pu Zalawna	Congress
25.	Zawlnuam	-	-
26.	Kawrthah	Pu Saikapthianga	Congress
27.	Mamit	Pu Lalhuthanga	Congress
28.	Phuldungsei	Pu Biansuama	Congress
29.	Sateek	Pu Lalrawliana	MNF
30.	Serchhip	Pu Lal Thanhawla	Congress
31.	Lungpho	Pu P. C. Bawitluanga	Congress
32.	Tlungvel	Pu P. C. Zoramsangliana	Congress
33.	Aizawl North I	Pu Rosangliana	Congress
34.	Aizawl North II	Pu Dr. H. Thansanga	Congress
35.	Aizawl East I	Pu J. Lalsangzuala	Congress
36.	Aizawl East II	Pu Rokamlova	Congress
37.	Aizawl West I	Pu T. C. Pachhunga	Congress
38.	Aizawl West II	Pu Rualchhina	MNF
39.	Aizawl South I	Pu R. Tlanghmingthanga	MNF
40.	Aizawl South II	Pu Sainghaka	Congress